


ԲԱՐՁՐԱՇԵՆ

Գյուղը գտնվում է Գյումրի-Արմավիր մայրուղուց մոտ 4 կմ հարավ, քարքարոտ ու սևահողային լանդշաֆտով սարահարթին, ծովի մակերևույթից 1700 մ բարձրության վրա: Բնակավայրի կենտրոնում Ս.Աստվածածին կիսավեր եկեղեցին է, խաչածառ հատակագծով, կենտրոնագմբեթ հորինվածքով, բնորոշ VII դարին: Ի տարբերություն արևելյան կիսակլոր աբսիդի՝ մյուս երեքը ուղղանկյունաձև են:

30. Ս. ԱՍՏՎԱԾԱԾԻՆ ԵԿԵՂԵՑԻ. հյուսիսային պատին (խաչաթևին), արտաքուստ, 8 տող.



...ԵՒ ԱՄԻՐՍՊԱՍԱԼԱՐ ...Ա Ո...ԵՒ... / ...ԵԶ ԹՈՂԻ
 ԶԻՍ ԱՐԴԵԱՍՅԲ: ՀԱԿ ԳԵՂԻՍ... ՄԱՐԳԻ / ...ԹՆԱԽԱՆՁԵՑԱ
 Ի ԲԱՐԻ ԳՈՐՑ ՀԱԻՐ ԻՄՈ... ՀԱԶԴԻԻ / ...ԿԶ ՀԱՐՍՆԵՀԱԿԵ
 ՈՐ ՏԵՆԱ ԱՐԱՐԱՔԻ ԶՇԱՐԻԱՏ / ...ԵՐԿԱՐԿԵՆԴԱՆՈՒԹԻԼԵՆ
 ՊԱՏՐՈՆԱՑ ՍԵՐՈՑ ԵՒ / ...ՐՑ: ԵԹԵ ՀԱԿԱՌԱԿԻ ՈՔ ԵՒ
 ԶԳՐԵԼԱՅԼՍ ԽԱՓՐԱՆԵ՛Լ...ԼԻՆԻ՛Լ / ...ԻՄԱՆՍԱԿԻՑ ՅՈՒԴԱԻ
 ԵՒ ԿԱԼԵՆԻ ԵՒ ՆԶՈԿԻ ՅԱՅ ԵՒ / ...ՑՆ ԵՒ ՈՐՔ
 ՀԱՍՏԱՏՈՒՆ ՊԱՅԵՆ ԱԻՐՀՆԻՆ ՅԱՅ. ԱՄԵՆ:

Ծանոթ. Արժանագրությունը միջնադարյան մի կարևոր հարկատեսակի՝ «հարսնեհակ» կամ «հարսանեհակ» եզակի վկայության առիթով արժանացել է Ս. Բարխուդարյանի և Ս. Ավագյանի ուշադրությանը²⁰: Ցավոք, երկուսն էլ չեն ներկայացրել վիմագրի ամբողջական վերծանությունը՝ և, ինչպես Ս. Բարխուդարյանն է նշում. «Արժանագրության վերականգնման աշխատանքը թողնում ենք, ներկայացնում ենք գծագիր պատճեն»: Վիմագրի բովանդակության մասին Ս. Բարխուդարյանը գրում է հետևյալը. «...սպասալարների օրոք, երաշտի հետևանքով խանձվում են դաշտերը և դրա հետևանքով զեղչվում են մի շարք

²⁰ Ս. Գ. Բարխուդարյան, Սոցիալ-տնտեսական բովանդակության արժանագրություններ և դիտողություններ, էջեր հայ ժողովրդի պատմության և բանասիրության (հոդվածների ժողովածու), Երևան, 1971, էջ 89, Ս. Ա. Ավագյան, ՀԱԲ, էջ 161:

հարկեր, որոնցից չորրորդ տողում ամբողջական և անկասկած մնացել են հարսնեհակ և շարիաթ բաները»²¹:

Վիմագրի թվագրման հարցում Ս.Բարխուդարյանի մատնանշումը՝ «սպասալարների օրոք»՝ բավական պայմանական է: Մենք կարևորում ենք ԵՐԿԱՐԿԵՆԴԱՆՈՒԹԻՒՆՆ ԴԱՏՐՈՆԱՅ ՄԵՐՈՑ բառակապակցությունը, որը հաճախ է վկայված Իվանեի և Ջաքարեի համատեղ իշխանապետության ժամանակահատվածի համար, ըստ այդմ առավել հակված ենք XIII դ. 10-20-ական թվականների նկատառմանը: Երկրորդ տողում ՀԱԿ բառից հետո հաջողվեց վերծանել ԳԵՂԻՍ, այսինքն՝ իրենց գյուղը հարկից ազատելու մասին է խոսքը: Երրորդ տողի սկզբում, դատելով շարադրանքից, հակված ենք կարդալու ...ԹՆԽԱՆՁԵՑԱ:

21 Ս.Բարխուդարյան, նշվ. աշխ., էջ 90: